

Broj: 01-04-2- 313 /2022

Sarajevo, 20. 10. 2022. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (3) Zakona o javnim nabavkama („Službeni glasnik BiH“, broj 39/14), direktor Fonda za zaštitu okoliša Federacije BiH donosi sljedeću

ODLUKU
o izboru najpovoljnijeg ponuđača

I

Najpovoljnijem ponuđaču Porsche Inter Auto BH d.o.o. Sarajevo, broj ponude: 44316_144739 od 18.10.2022. godine, u postupku javne nabavke električnog vozila za potrebe Fonda za zaštitu okoliša Federacije BiH, dodjeljuje se ugovor o nabavci električnog vozila za potrebe Fonda za zaštitu okoliša Federacije BiH, u iznosu od 96.087,86 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 01-04-2-293/2022 od 28.09.2022. godine. Javna nabavka je sprovedena putem otvorenog postupka javne nabavke. Ukupna procijenjena vrijednost javne nabavke bila je do 111.111,11 KM bez PDV-a.

Obavještenje o nabavci broj: 1382-1-1-16-3-11/22 objavljeno je na e-Portal javnih nabavki dana 28.09.2022. godine u 15:31 sati, dok je na osnovu člana 7. stav (3) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu e-nabavke („Službeni glasnik BiH“, broj 90/14) sažetak za obavještenje o nabavci objavljen u Službenom glasniku BiH dana 30.09.2022. godine pod brojem 66/22.

Tendersku dokumentaciju, broj: 01-04-2-3670/2022 od 28.09.2022. godine (u daljem tekstu: tenderska dokumentacija) preuzelo je 15 (petnaest) ponuđača, dok je u skladu sa provedenim postupkom javne nabavke ponudu dostavio sljedeći ponuđač:

R.br.	Broj protokola	Naziv ponuđača	Datum i sat prijema
1.	U-04-3315/2022	Porsche Inter Auto BH d.o.o. Sarajevo	18.10.2022. godine u 13:50 h

Krajnji rok za prijem ponuda bio je 19.10.2022. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-303/2022 od 17.10.2022. godine (u daljem tekstu: Komisija) pristupila je javnom otvaranju ponuda dana 19.10.2022. godine u 12:15 sati, te je konstatovala da je dostavljena ponuda navedenog ponuđača blagovremena, o čemu je sačinila Zapisnik o otvaranju ponuda, te kopiju istog dostavila navedenom ponuđaču putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponude na zatvorenoj sjednici, te je utvrdila da ponuda ponuđača Porsche Inter Auto BH d.o.o. Sarajevo, broj ponude 44316_144739 od 18.10.2022. godine sa ponuđenom cijenom u iznosu od 96.087,86 KM bez PDV-a i rokom za isporuku robe od 3 (tri) dana, ispunjava sve uslove propisane u tenderskoj dokumentaciji

Nakon provedenog postupka provjere kvalifikacije ponuđača i ocjene ponude, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda, broj: 04-2-23-interno od 19.10.2022. godine koji ujedno predstavlja i Izvještaj o radu Komisije, zajedno sa Preporukom za donošenje odluke o izboru najpovoljnijeg ponuđača, broj: 04-2-24-interno od 19.10.2022. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača ekonomski najpovoljnija ponuda, kao najpovoljnija ponuda u predmetnom postupku javne nabavke smatra se ponuda ponuđača Porsche Inter Auto BH d.o.o. Sarajevo, te se ugovor o nabavci električnog vozila za potrebe Fonda za zaštitu okoliša Federacije BiH dodjeljuje ponuđaču Porsche Inter Auto BH d.o.o. Sarajevo, broj ponude: 44316_144739 od 18.10.2022. godine sa ponuđenom cijenom u iznosu od 96.087,86 KM bez PDV-a i rokom isporuke od 3 (tri) dana.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke.

Fond za zaštitu okoliša
Federacije BiH

Esad Humo, direktor



Dostaviti:

- ponuđaču (putem e-maila)
- Sektoru za finansije
- a/a